



**Komunikadu Imprensa**  
**22 Feveiru 2013**

### **JSMP kongratula polítika Komisaun A Parlamentu Nasionál hodi hasa'e alokasaun orsamentu ba tribunál tinan 2013**

Parlamentu Nasionál iha aprovasaun Orsamentu Jerál do Estadu 2013 ne'ebé halo iha 18 Feveiru 2013 hasa'e montante orsamentu tribunál sira nian hosi dotasaun inisiál millaun 3,329.00 ba millaun 5,737.00 Aumentu ne'e bazeia ba kompromisu Komisaun A PN nian bainhira halo audiénsia ho representante Tribunál Rekursu no Tribunál Distritál sira iha 14 Janeiru 2013 hodi hatan ba lamentasaun ne'ebé mai husi autores tribunál sira.

*“Ne'e kompromisu ida ne'ebé importante teb-tebes tanba Parlamentu Nasionál hatudu interese no komitmentu boot ba importansia servisu tribunál nian no asegura katak direítu povu nian ba justisa nu'udar parte integrál husi direitu fundamentál husi sidadaun sira ne'ebé moris iha prinsipiu estadu de direítu nia okos dehan Diretor Ezekutivu Luis Oliveira Sampaio.*

Proposta alterasaun ba aumentu orsamentu Tribunál nian mak hanesan tuir mai ne'e:

<b>Nú. Proposta</b>	<b>Rubrika</b>	<b>Dotasaun inisiu</b>	<b>Alterasaun (aumentu)</b>	<b>Dotasaun Final</b>	<b>Objetivu Proposta</b>
P. Nú.67	Tribunál Rekursu	0	\$100,000.00	\$100,000.00	Hari'i sala no gabeti foun servisu Tribunál Rekursu nian
P. Nú.68	Tribunál Rekursu		\$ 250,000.00		Uma ba funsionariu Tribunál Suai no Oecússi
P. Nú.69	Tribunál Distritais	\$77,000	\$714,500.00	\$791,500.00	Pagamentu Projeitu dezeñu ba konstrusaun Tribunál Distritál Díli
P. Nú.70	Tribunál Distritais	\$77,000	\$790,000.00	\$867,000.00	Reabilitasaun ba Tribunál Distritál Baucau rihun \$150, Tribunál distritál Suai rihun \$250, Tribunál Distritál Oecússi rihun \$40, anexo ba Tribunál Distritál Díli rihun \$350.
P. Nú.71	Tribunál Distritais	\$77,00	\$466,000.00	\$543,000.00	Pagamentu Projeitu dezeñu ba konstrusaun Tribunál Distritál Baucau
P. Nú.72	Tribunál Rekursu	\$5.000	\$ 88, 317.00	\$93,317.00	Aumenta orsamentu ba viazen estranjeiru

JSMP hein katak ho alterasaun ba montante orsamentu ne'ebé aloka ba tribunál sira ne'e representa no hatan duni ba realidade iha setór justisa nian. JSMP mos hein katak tribunál bele utiliza duni orsamentu ne'e ho efikaz no responsável, atu nune'é bele hasa'e produtivida servisu tribunál no hametin esperansa públiku kona-ba tribunál sira nia dezempeñu.

Atu hetan informasaun kle'an favor kontaktu direktamente:

Luis de Oliveira Sampaio  
Direitor Ezekutivu JSMP  
Direasaun e-mail: [luis@jsmp.minihub.org](mailto:luis@jsmp.minihub.org)

Landline: 3323883

[www.jsmp.tl](http://www.jsmp.tl)